



# सानसेयारि

## बड'सा

सानसेयारि 'बड'सा' खरीरालाइयाव समाजयारि जिउजो लोब्या थावाय रायथाय, अन्ध्याय, अल', अल'बाथा आरु दावबायारि थावनि, पार्क बाइदिबि स्यायाव लिन्नाय लिन्बिबां बैथाय ठर! सानसेयारि 'बड'सा' खरीरालाइया सेबेरान्बाबै फोब्यावगोन!

बड'स्यायाव लिन्ठरनायबि दुबा अल्लाम्, 'बड'सा' खरी नोथो, जो बयबो आंगो अल्लाम्!

सानसेयारि बड'सा मावखुलि  
माइवं नोगोर, जोहोलाव देमाल लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Tuesday ★ 10 September, 2024 Kokrajhar, BTC, Assam ★ Vol.- 34, Issue No.166 R.N.I.Regd.No.40994/91, Assam Govt. Regd.No. IPRD.40/2006/3, ★ Rs.8/-

## पिएइसइ बिफाननि बिथांखिफोर मावफुंनयनि सायाव नायसं मेल जथुमदों

### पिएइसइ बिफाननि बिथांखिफोरखौ राइजो-राजाफोरा मुलाम्फा मोन्नो हानाय बायदि थि समाव मावफुंनंगोन : निलुत स्वर्गियारि

कक्राझार, 9 सेप्टेम्बर: बिटिआर हालामखौ फारफोमबो बिथिडाव जौगाखां होनायनि फासै बिटिसिनि गाहाइ मावफुं सोद्रोमा प्रमद बर नि गेदेर थांखि बायदियै दासान्दि, बिटिआरनि गासै जिल्लाफोरावनो गुबुन गुबुन बिफानआरि बिथांखिफोर मावफुं नाया गोखोडे सोलिगासिनो दड। बेबायदिनो मावफुं सोद्रोमा इ निलुत



स्वर्गियारिनि सामलायनाय सुबुं देहा इन्जिनियारि (पिएइसइ) बिफाननि बिथांखिफोर मावफुंनयाबो बिटिआरनि गुबुन गुबुन जिल्लाफोराव सोलिगासिनो दड। बेनि असिलायै दिनै पिएइसइ बिफाननि मावफुं सोद्रोमा इ निलुत स्वर्गियारिआ पिएइसइ बिफाननि तला डिभिजननि (□ 5 बिलाइआव)

## फैगौ रानस्त्राव बोथोराव 225 कि:मि: गोलावथिनि गोदान माथावरि लुनो थांखि लादों



गुवाहाटी, 9 सेप्टेम्बर: आसाम सरकारनि मन्थि पिपुष हाज 'रिकाआ दिनै जनता भवनआव थानाय गावनि

मावखुलिनिफ्राय भाचुंवेलि बिफाननि साफ्रोमबो इन्जिनियारफोरजों मोनसे जर'खा सावराय जथुम खुनायाव बाहागो

लादों। राइज्यो सरकारनि जरखा गाहाइ नेहाथारि सैयदिन आब्यासिनि नुजाथि फेनायाव मन्थि हाज 'रिकाआ बिफाननि गाहाइ इन्जिनियार आरो माखासे इन्जिनियारफोरजों बिफानारि खामानिफोरनि सायाव सावरायलायो। जर'खायै बिफानआ आखाइयाव लानाय बिलो जौगाखां नायनि खामानिखौ सावरायलायानां मन्थि आ साफ्रोमबो इन्जिनियारफोरजों थिखानाय

## माजबात पुलिसआ सिग्रोमनानै गासै 286 के:जि गान्जा हमदों



उदालगुरि, 9 सेप्टेम्बर: उदालगुरि जिल्लानि माजबात पुलिस पुलिसआ मैया रबिबारनि ह्राव फिन सिग्रोमनाय हाबाफारि लानानै गोबां बिबुनि गान्जा हमनो हायो। मिथिनो मोन्नाय बादिल्ला, मोनसे जर'खा सुलुनि बिथायाव माजबात पुलिस थानानि एसआइ कुशल चन्द्र नाछ, लालपानि पुलिस थानानि आइसि प्रनव बरुवा, एसआइ चित्रनि दसन (□ 5 बिलाइआव)

## उदै बैसोआव जुलि जानाय, पक्स' 2012 एक्ट, गथ 'फोरखौ' खामानियाव थिसनाय आरो गथ 'फोरनि गोबां जेनाफोरनि सायाव सांग्रांथि मेल खुदों

कक्राझार, 9 सेप्टेम्बर: आथिखालाव दाब-दाब जायगाफोरगथ गथ 'फोरनि सायाव दायनिगिरी खामानि मावनाय आरो गथ 'फोरनि हेंथायै गोबां आइन बेरेखा आरो समाज बेरेखा जाथायफोरा सोमजिफलेबाय थानायखौ नोजोर लाखिनानै बेफोर जाथायनिफ्राय गथ 'फोरखौ' रेखाथि मोनहोनायनि असिलायै अल बिटिएडि डिसेबल वेलफेयार डेभेल्पमेन्ट एनजिअनि बान्जायनायाव डिस्टिक चाइल्ड प्रटेक्सन इजनिट, कक्राझार आरो गोजोन चिलड्रेन हम कक्राझारनि हेफाजाबजों कक्राझार जिल्लानि



गसाइगावनि नास्त्राइबिलआव लामा लुनायनि अन्थाइ खाम्फा गायसन्दों



गसाइगाव, 9 सेप्टेम्बर: कक्राझार जिल्लानि गसाइगाव महकुमानि सिडव थानाय नास्त्राइबिलआव दिनै आदिबाशि अन्साइ आरो जौगाखां गौथुमनि बुंथिगिरी अशिम हासदाआ लामा लुनायनि अन्थाइ खाम्फा गायसन्नाय होयो। आसाम सरकारनि एसअपिडिनि 10 लाख रजों लुनो गोनां (□ 5 बिलाइआव)

## हारिमुवारि हाबाफारियाव लैहोर-लैहोर राइजो-राजाफोरनि नुजाथि फेनायाव कामता मिउजिक फेष्टिभेलआ थुंगेबाय

बासुगाव, 9 सेप्टेम्बर: चिरां जिल्लानि बासुगाव सोहोरनि साखाथियाव थानाय हेकाइपारा राइजोआरि गेलेफो फोथाराव थांनय 7 आरो 8 सेप्टेम्बरव 3 थि कामता मिउजिक फेष्टिभेलआ जाफुं सारे (□ 5 बिलाइआव)



## बाक्सायावबो ट्रेडिनि मुंडव रां जाख्ल 'नाय जाथाय सोमजिदों

100 कौटिनिबो बांसिन रां जाख्ल 'नाय कारखुमादों माइनाव ब्रह्म मुनि सासे आइजोया



मुसलपुर, 9 सेप्टेम्बर: दासान्दि ट्रेडिनि मुंडव रां जाख्ल 'नायनि हेंथायै राइज्यो नाडेनो गोखौ हाबाफारि लाबाय थानाय समनि गेजेरावनो बे खेबाव बाक्सायावबो बे बायदि गेना-खांथिनि जाथाया सोराडव फेदों। ट्रेडिनि गेजेरजों सासे आइजोआ गासै 100 कौटिनिबो बांसिन रां जाख्ल 'दों। बाक्सा जिल्लानि मुसलपुर ओन्सोलनि गोबां सुबुनिफ्राय रां लानानै बाडाइ साननि गेजेरावनो गोबां रां होफिननायनि लभ होनानै सासे आइजोआ लाख-लाख रां बुधुमदोंमोन। बाक्सा जिल्लानि मुसलपुर पुलिस थानानि (□ 5 बिलाइआव)

## सालबारिनि सोलेंथाइगिरी, समाज सिबियारि मानिक चन्द्र बर'आ जोबथा हां बोबाय

भबानिपुर, 9 सेप्टेम्बर: सालबारि गोजीसिन गेजेरारि फरायसालिनि आजिरा मोन्नाय गोरयुं, सोलेंथाइगिरी, समाज सिबियारि आरो बारग' बिपिएफनि दैदेनगिरी सालबारि फारखरिगुरि गामिनि थागिरी मानिक चन्द्र बर' (85) आ दिनै साननि 4:30 रिंगायाव गावनि न'आवनो बैसो जानाय बायदियै बेरामजों सन्देरजानानै जोबथा हां बोयो। सासे सोलेंथाइगिरी, समाज सिबियारि मानिक चन्द्र बर'आ एबसुनि दैदेन्नाय सोमावसारनायाव सालबारि ओन्सोलयाव सांग्रांथै बाहागो



लादोंमोन। मानिक चन्द्र बर'आ सालबारि जुनियर फरायसालिमानि गोबाव बोसोर नाडे गर्भनि बडिनि आफादगिरी मासियावबो बिबान सामलायदोंमोन। बिटिसि सरकारनि मिरु सायख'

आफादनि सासे सोद्रोमानि मासिबो सामलायदों। बिपिएफ दोलोन मिरु आफादनि आफादारि नेहाथारि मासियावबो बिथाडा बिबान सामलायदोंमोन। मख 'नो गोनांदि, गेदेर सालबारि ओन्सोलनि समाजआरि बिथिनि जौगानायनि थाखाय गोबां बिहोमा होनाय मानिक चन्द्र बर'आ सासे जर'खा समाज सिबियारि महरै मिबिथिजायोमोन। रंसारि जानाय समाव बिसि, सात्रै जुलि जानाय फिसाज्ला, सात्रै जुलिजानाय फिसाजोफोरजों लोगोसे माखासे (□ 5 बिलाइआव)

## बागानपारानि घरामारा- शान्तिपुरआव गं 377 नख 'रफोरा इउपिपिएल दोलोयाव दाबफेदों



भबानिपुर, 9 सेप्टेम्बर: बाक्सा जिल्लानि बागानपारा बिटिसि बियाबनि सिडव थानाय गुबुन गुबुन गामियाव गोबां नख 'रफोरा इउपिपिएल दोलोयाव जगदान जाफेनाया सोलिगासिनो दं। बे बायदिनो मैया बागानपारा बिटिसि बियाबनि इउपिपिएलनि घरामारा गुदि आफादनि सिडव थानाय (□ 5 बिलाइआव)

## माजबात दखरा हाग्रा बिफाना सालान गैयै आयेन बैरेखा बाला-अन्थाइ रोगानाय गंरै डाम्पार आरो दंफां रोगानाय गंसे गाखिौ हमदों

उदालगुरि, 9 सेप्टेम्बर: आयेन बैरेखा बाला-अन्थाइ, दंफां फालांगि खालामनाय माफियाफोरा माजबात दखरा हाग्रा बिफानखौ जिंगायाव खोख्लैबोदों। उदालगुरि जिल्लानि हाग्रा बिबानगिरी मस्ताफा आलि आहमेदिनि बिथोनाव माजबात दखरा हाग्रा बिफाननि रेन्जार जगदिश बसुमतारि आरो बिट बिबानगिरी मिन्तु बर'जों लोगोसे हाग्रा मावफारियानि मोनसे हान्जाया (□ 5 बिलाइआव)















